



Acta de la Xunta Extrordinaria del Unión Club Ceares

37 presentes

168,34,233,64,84,88,120,533,70,122,204,193,262,117,68,279,100,89,93,457,66,510,270,152,92,58

Composición de la mesa:

- **Presidente:** Alberto Álvarez García
- **Vicepresidente:** Xosé Ramón Fernández Estrada
- **Secretariu:** Ceferino Laviada Fernández
- **Vocales:** Gerardo Rodríguez Álvarez, Fernando Antuña, Víctor Amo, Vitor Xuan Melero Cimas, Iñigo Arza Romero, Sergio Rionda, Roberto Colunga, David Méndez Mier

Nel Campu La Cruz, a les 20:00 hores, en **segunda convocatoria**, el día 4 de Xineru de 2022 va aconceyar la **Xunta Ordinaria de Soci@s**, para tratar l'orde del día que bien darreu:

1. LLECTURA YA APROBACIÓN DEL ACTA ANTERIOR
2. APARTÁU ECONÓMICU
3. APARTÁU DEPORTIVU
4. SOCIAL YA INSTITUCIONAL
5. ALDERIQUE YA ENTRUGUES

1. LLECTURA YA APROBACIÓN DEL ACTA ANTERIOR

Apruébase por unanimidá ensin camudar un res.

2. APARTÁU ECONÓMICU

Desplícase la situación económica pola parte de la mesa después de cuasi finar la primer vuelta, informando del cumplimentu presupuestariu fasta la data, incluyíu'l partiu de copa xugáu, nun llevando denguna propuesta o moción a votación nin pola parte de la direutiva nin pola de dengún participante na xunta.

3. APARTÁU DEPORTIVU

1.- UC CEARES

El direutor deportivu del club, D. Iñigo Arza, informa de la participación nes dates vinientes del fichaxe incorporáu de recién ya informa de los intentos de refuerzu, fasta agora non granibles pola mor de les descomanaes pretensiones de los xugadores colos que se tiene falao fasta esti intre.

2._ El sociu 64 espón: "nun tar dálcuertu cola perda d'equipos de cantera ya d'identidá de club, al xestionalos angüaño'l Veriña y namás que compartir escudu na camiseta", el citáu sociu remóntase a

actes anteriores, lleéndolos na xunta ya onde, al so paecer, nun rescampen los alcuerdos del conveniu qu'anguaño se caltien col Veriña.

Intervien el vicepresidente D. Xosé Ramón F. Estrada, retrucando tamién cola llectura d'actes anteriores, matizando puntos alrodiu'l conveniu vixente col Veriña, desplicando les diferencies ente'l fútbol base de pista ya'l de campu, ya faciendo constar les bultables diferencies tanto no que cinca a los ascensos como a los apartaos de monitores, xestión ya económicu, y desplica que l'acuerdu robláu col Veriña fina en Xunu de 2023.

Depués de delles intervenciones más, pospónse la votación d'anovar o francer el citáu conveniu fasta que fine la temporada 22/23

3._ Infórmase alrodiu la situación del GFF, solliñando que, con esfuerzu, sedrá a salvar la categoría nun añu perdifil, también de la perbona situación del equipu de sala ya de la intención de facer un equipu xuvenil nesta mesma modalidade.

4. SOCIAL YA INSTITUCIONAL

Porpónse pela parte de la direutiva l'entamu la campaña de captación de socios/-es pa la segunda vuelta, mesmo pa reforzar la masa social d'anguaño como pa venceyar a eses persones pa próximas campañas.

Faise una votación cola propuesta de la mesa de tomar el carné de sociu adultu como referencia base pa los precios na campaña de segunda vuelta, que tendrían un preciu pa'l nuevu sociu de 55€ (60% del costu de la temporada completa), produciéndose una votación con **19 votos en favor, 0 a la escontra y 17 abstenciones.**

Apruébase'l costu de 55 € y adautar al 60% el restu categorías.

5 ALDERIQUE YA ENTRUGUES

Intervien el sociu 66 alrodiu'l comportamientu de dellos socios/-es sobro la falta procuru ya llimpieza nes instalaciones, rogando a la masa social que tea más respetu pa cola compañera que caltien les instalaciones. Fala también del asuntu de les pegadielles qu'apaecen apegaes per dayuri en La Cruz, les cuales hai de quitar depués, lo que conlleva un trabayu estra pal voluntario qu'echa un gabitu nel caltenimientu del campu y afala a la masa social a arrender esa triba comportamientos.

D'otra miente, intervien el sociu 100 representando a un grupu de socios/-es, pa la recuperación de la carrera pedestre que s'entamaba antaño, pidiendo tanto la implicación del club, ensin costu pal citáu, ya la colaboración de la masa social nun número non inferior a 15 voluntarios/-es pa la so perfeuta organización ya siguiendo, mesmo qu'involucrar a la cantera y a los/-es socios/-es qu'asina lo quieran na so participación.

Apruébase esta propuesta por unanimidad.

Caberaamente, nel apartáu d'alderique ya entrugues, el sociu 100, solicita que l'asociación AGISDEM pueda poner un puestu informativu demientres un partíu en La Cruz pa la difusión del so llabor ya convidar a los sos miembros a un partíu supervisaos polos sos monitores pa que vivan ya esfruten lo que ye un partíu del UC Ceares.

Apruébase esta propuesta por unanimidad.

Dase por finada esta xunta a les 21.20h del martes 4 de Xineru de 2022

Vº Bº EL PRESIDENTE

Rdo.: Alberto Álvarez García



EL SECRETARIO

Rdo.: Ceferino Laviada Fernández

